

薛稊吟館鈔存

薛林吟館鈔存

卷四目錄

易水于役喜晤德默菴同年

宿通州

車行澱溜道中

上元日宿沙流河東恒詩館副帥興

道出榛子鎮寄懷李芾堂太守恩繼昆季

臨榆寄家書

山海關

沙河所曉行

溫泉寺

高橋道中

瀋陽寄內

遼陽道中

湯河站

雪後度大高嶺

通遠堡即目

出鳳凰邊門

渡鴨綠江

附遠接使趙羽堂 秉鉉原唱

次義州

龍灣館曉發

東林城

附遠接使趙羽堂 秉鉉原唱

林畔館

附遠接使趙羽堂 秉鉉 原唱

安州道中

大定江

清川江

附差備官李藕舩 尚廸 原唱

斧山站值雨

平壤城懷古

登太虛樓

洞仙關道中

小憩慈秀

遠接使趙羽堂 秉鉉索和

附遠接使趙羽堂 秉鉉原唱

差備官金靜軒 相淳索贈

南別宮登明雪樓

差備官李聖質 文養索贈

差備官李藕船尚迪索贈

附差備官李藕船尚迪原唱

洞仙別館

重宿新安館

附差備官李藕船尚迪原唱

護送使李荷居若愚索和

葱秀值雨

弔金墓

板橋道中

附朝鮮竹枝詞上下平三十首

西陵隨扈恭紀

慎德堂召對恭紀

借書

題聊齋圖

題採芝圖

花松岑大司成沙納補種丁香於國學繪圖徵



詩

聞道

讀富韓公本傳

景運門值班口號

在平懷古

穀城山

留侯祠

望魚山

東平被水火木盡偃感而賦之

曉過兗州

謁孟廟望嶧山

柳泉

柳泉雨發

褚莊曉行

符離道中

王莊泛舟

紅心驛

珠龍鎮雨行

東葛小店

偶吟

盃山園感懷陶文毅公澍

登飛霞閣放歌

關中夜雨

題湯雨生都督貽汾琴隱圖

前題未盡更成一絕

瞻園

秦淮水閣

金陵別黃通副贊湯舟中却寄

登燕子磯

登焦山

潤州

京口晚發

過毘陵

遇雨

楓橋夜泊

姑蘇口號

虎邱

閶門登舟

望亭阻風

夜過慧山

丹陽縣

偶吟

京口渡江

金山寺僧真心送泉水

渡江

覽社湖

七禽言

過寶應縣

舟行數日殊愧素餐口號自嘲

羊流店

新泰道中

望徂徠山

石守道故里

趙北口

見西山

行路難十四韻

薛稷吟館鈔存

臨潢 柏後

易水于役喜晤德默菴同年

春明祖餞憶辛年三十六回蟾影圓

辛丑仲冬奉使秦中君時  
官少寇旋即移鎮易水

自有心同心印證漫嗟我與我周旋

鎮署清閑  
少苦岑寂

官衙拜母

芳棠下山寺移樽叢菊前

僑寓半壁  
店魯班廟

別久始逢逢又別此

懷難倩楮生傳

宿通州



撲面寒風九未消征鞍乍解馬蕭蕭擁衾枯坐燈搖壁  
此是離情第一宵

車行潑溜道中

山勢都如折帶皴一溪水泮綠粼粼捲簾貪看荆關畫  
撲滿征衫五斗塵

上元日宿沙流河東恒詩館副帥興

聯轡出京國行行過玉田亂山千疊出遠樹四圍圓今  
夜上元月荒村盡九天雙檠一尊酒聊爾當燈筵

茅店已鷄鳴登車叱馭行故園今夜夢佳節異鄉情四  
野沉沉黑孤燈閃閃明近村籬落裏寒犬吠聲聲

道出榛子鎮寄懷李芾堂太守

恩繼

昆季

奉節出京洛四牡馳風塵孤竹有巨鎮相思多故人宣  
城此讀禮幽寂無比倫憶昔官春明苔岑同比鄰文酒  
肆歡宴良會聯宵晨感逝與傷離

令四五弟均故

勿勿八九春雲

停月落候交契空為神咫尺渺天涯衷曲何由伸何時  
一尊酒叙此平生親

臨榆寄家書

京洛一揮手茫茫百感心上元  
纔幾日片紙抵千金久病憐  
管蒯從征歎藁砧回文如可  
織莫聽白頭吟

山海關

鎖鑰東西重兩京峨峨百雉起  
岩城陣圖萬點青山色士氣千  
重大海聲樂土有歌消鶴警行  
人無事數鷄鳴款關却賴平西  
績一旅長驅已太平

又出重關萬里城揚鞭且賦快  
哉行海趨大壑聲逾壯

山到前屯勢未平作客管公爰得所

杏山北里許有管公屯即管寧避居處

望

夫姜女若為情鄉園桃李年來少空負春風聽曉鶯

沙河所曉行

似虎春風近曉狂黃沙旌旆共飛揚豐貂無力狐裘薄  
人坐黏車一味涼

溫泉寺

集寧城外首山青猶認公孫隕大星今古戰場同太息  
靈湫依舊響泠泠

高橋道中

炊烟萬戶嶺頭看  
近海風來分外寒  
無數帆檣林立處  
家家都樹相烏竿

瀋陽寄內

厭聽鳴鴻午夜飛  
尺書却寄欲沾衣  
上春關外寒猶重  
千里遼東夢轉稀  
眉鏡寫痕濃也淡  
掌珠學語似耶非  
閨中莫問金錢卜  
陌上花開不緩歸

遼陽道中

雪點忽飄瞥陰晴不定間濃雲遮未盡日已上東山

湯河站

礪仄川流急山深石徑多漫漫風雪裏辛苦過湯河

雪後度大高嶺

即摩天嶺

直上林巒莽萬重天風高嘯海雲濃獨騎下駟吟名句  
踏雪來看羣玉峯

通遠堡即目

橡葉剝殷紅山皴調粉白笠影夕陽中畊人滿阡陌

出鳳凰邊門

曉日初紅四野寬  
淩蘇泥凍草聲乾  
春分已過霜如雪  
誰信東方二月寒

渡鴨綠江

馬首東瞻乙密臺  
揚舲擊汰水程開  
客疑槎在青天坐  
人指帆衝細雨來  
急溜一痕如碧玉  
遠山幾點落蒼苔  
劇憐岸畔青青草  
誰是江郎作賦才

琉璃萬頃湛波光  
三派西來天塹長  
一棹中流催竹箭

半篙淺漲擘瓜瓢畧爭銀漢三分碧不似渾河九曲黃  
破浪乘風真快事直將晞髮問搏桑

附遠接使趙羽堂 秉鈔原唱

文星夜照鴨江臺黃仗徐遲彩霧開儼接多年同內  
服皇華今日又東來關河映雪新生草驛路清塵淡  
掃苔動色桑區如有待凌雲不獨飾鏞才

次義州

屬朝鮮  
平安道

見說義州好平安此乍經雙流合鴨綠羣岫送螺青雉



堞江邊郭龍灣嶺上亭異鄉二千里宵雁未堪聽

龍灣館曉發

曉風殘月別龍灣沿路松林高下間立馬峯頭試西望  
一泓江水萬重山

東林城

女牆一角指遙空沿徑松杉蒼翠中我欲峯頭携綠綺  
高山流水譜天風

附遠接使趙羽堂

秉鉉原唱

蘭舟初放綠波空  
千里逢迎細雨中  
四牡如飛春晝  
永岸花汀草一番風

林畔館

賓館依林畔  
峯腰望眼迷  
邱陵衆山小  
燈火萬家低  
天遠銀蟾上  
枝高白鷺栖  
故園何處所  
遙指馬訾西

附遠接使趙羽堂

秉鉉原唱

珍重青柯帖  
欣攀荷牖迷  
潘江無涘畔  
劉壘肯高低  
香溢詞垣集  
燈深旅館栖  
竒緣難再續  
春樹鳳城西

安州道中

隔岸林巒淡欲無  
松杉覆屋水田鋪  
行程擬借荆關筆  
為寫溪山平遠圖

大定江

一派浮雲遠  
名山千尋滑笏時  
春流如碧玉不數晉王祠

清川江

在朝鮮平安道境內即  
隋宇文述全軍淹沒處

妙香山下濫觴初  
浩瀚西來浸太虛  
此日使舟欣泛鷁  
當年戰士歎為魚  
投鞭薩水流堪斷  
棄甲將軍計太疎

誤盡詐降書一紙扣舷憑弔感何如

附差備官李藕船尚迪原唱

東泛星槎賦海初詞源直溯木多虛行憐地古攀榆

葉

箕聖東來種榆於平壤教民食其葉云

却媿厨寒餉鰈魚野渡停驂春水

冷山樓弭節夕陽疎它時倘得黃公訊為報相思滿

月如

大人見耽華嶽題壁詩拓本即與樹齋黃侍郎宦游時作也尚迪於黃公有舊契別已八年矣結句因及之

斧山站值雨

濃雲羃遠空山翠忽迷濛幾點飄靈雨千絲散好風春

流添淼淼秋麥茁芄芄一路無塵埃輕輿到大同

平壤城懷古

檀君降太白戊辰紀放勲箕準嗣遺封衛滿張其軍三  
千四百有餘載滄桑變態如烟雲我昨奉 詔蓬萊宮

歸夫人賻於東君採風每待藉重譯攷古誰復能三墳  
眼前有景或堪道江水映帶山糾紛攘攘樂浪郡殘堞  
依江濱高高風月樓老樹悲斜曛九疇遺烈獨千古井  
田區畫何紛紜三韓割據事已矣異辭往往相傳聞何

當伽倻尋致遠泚筆同計金臺文

登太虛樓

乍解征鞍意未休振衣先擬太虛游  
滿山松積半城翠幾縷雲橫百尺樓  
呼吸未堪通碧落高寒或可壓黃州  
雨絲風片連朝路莫滯清吟壁上留

洞仙關道中

未至洞仙嶺先過洞仙關  
關前矗一峯苔蘚襍駁斑  
童無草木孤峭良非凡行不數十武  
左側瞻孱顏山巔

及山麓松柏紛千般濕翠欲沾衣秀色如可餐路右對  
一峯石骨堆巔屹重重累而起削成無一頑三五老龍  
鱗點綴於其間路入萬松裏高下松廻環不知山所在  
但聽泉潺潺吾鄉之行在盤山有三盤水石兼松柏  
奇境超區寰紺宇接瓊樓遠眺高難攀茲山渺人踪栖  
息十洲仙何當訪浮邱挹袖相拍肩飛上峯上頭長嘯  
忘歸還

小憩葱秀

行盡高堤復下堤到門流水自成溪晴巒嘉樹供人眼

碧草丹沙趁馬蹄萬木垂簷危石上一泉溜玉泉名小橋

西行囊惜少俛黃筆記取新詩滿壁題

題咏甚多以阿謹堂  
英煦齋兩先生為最

遠接使趙羽堂

秉鉉索和

信有良緣天假否異鄉千里賦同舟多儀君重瓊瑤報  
片什予慚縞紵投黃海東來情脉脉綠江西去思悠悠  
金臺不少星軺使可許班荆話舊游

附遠接使趙羽堂

秉鉉原唱



星槎夜泊絳河否  
倪石米書同一舟  
唱罷郢琴誰所贈  
留攀陳轄竟難投  
長亭遠樹情何極  
別浦停雲夢轉悠  
東海錦囊堪領畧  
文章知在四方游

差備官金靜軒

相淳

索贈

芳聲久已播京圻  
千里追隨願莫違  
聽子規啼游已倦  
咏騷人句送將歸  
江邊碧色憐春草  
館外停雲竝夕暉  
合有心情通尺素  
秋來無限塞鴻飛

南別宮登明雪樓

宗室德沛題額

黃州曾賦太虛游眺遠欣登明雪樓樹翠重重當檻出  
嵐青點點入窓收雲陰披絮橫拖岫春雨如絲冷逼秋  
賓主東南儀節重好山一半為勾留

差備官李聖質

文養索贈

七十  
三歲

浮生七十古來少眉壽如君體益充星應長庚昭國瑞  
禮傳柱下紹家風象胥客識支離叟馬援人稱矍鑠翁  
洛社英流如續記他年許入畫圖中

差備官李藕船

尚廸索贈

君采以食金不

才日

愛君野渡停驂句

君和子清川江詩次聯云野渡停驂春水冷山樓弭節夕陽疎

東國聲詩繼昔

時應有漁洋同記取淡雲微雨小姑祠

明天啓時金公尚憲由登州入貢曾有句云淡

雲微雨小姑祠前秀蘭芳八月時王新城丞稱之予於途次口占竹枝詞三十首亦述及焉

千里追陪已暮春才華筆格見斯人一篇長吉高軒過

詩卷同留萬古新

附差備官李藕船尚廸原唱

同文異俗須傳信遍採風謠載筆時董賦徐經皆調

語弓衣遮莫繡新詞

大人譜竹枝詞三十首

送迎千里到殘春  
草長鶯飛愁殺人  
征旆今宵何處  
所隔江相看月痕新

洞仙別館

賓館遙開列洞仙  
使星軼事話從前  
牧羊人亦偕胡婦  
遮莫淹留十九年

異鄉美眷見何遲  
幾度春風一霎離  
尔累卿卿尔  
箇中緣怨耐深思

重宿新安館

依樣長亭復短亭  
渡江西去路曾經  
我來海上三春月  
人識天邊兩使星  
細草半垂寒碧館  
野棠初放白沙汀  
征鞭回指沸流岸  
一十二峯雲外青

附差備官李藕舫尚廸原唱

筆似華亭句  
阮亭川原一路按圖經

大人題咏諸作引用馬  
皆澁水沸流之類皆得

沿流討源  
援据極博

名尊北斗移卿月

大人近補  
吏部侍郎

禮歲東瀛返使星

紅杏雨殘沾酒旆  
綠楊風急打魚汀  
金臺幾日重揩  
眼望裏雲山莽莽青

護送使李荷居 若愚索和

行盡東南數十程  
衣冠文物愜平生  
天開震旦蔚然秀  
人似中原麗以清  
千里逢迎趙充國  
一旬晤對李長庚  
別君策馬東華去  
多少春雲悵望情

葱秀值雨

過江百里路鉤輈  
矮小團蕉塌地休  
冷雨如絲葱秀野  
連朝達旦織春愁

弔金墓

在邊門外四十里  
許俗呼縊鬼坟

不關殉義與勤王埋骨荒原劇可傷  
尤物未諧同穴願為郎欣幸更羞郎

板橋道中

四圍嫩綠海邊村幾樹新紅深閉門  
却憶薜蘿吟館外碧梧修竹亦林園

附朝鮮竹枝詞上下平三十首

雄封八道首京畿冠冕東夷海國稀  
北鎮華山南漢水

龍蟠虎踞鞏王圻

京畿道

西北平安氣勢豪一江鴨綠亂山高競傳武備嫺弓馬

不見人懸靺鞨刀

平安道

黃海西防地利兼俗留弓裔擅魚鹽愛他葱秀山邊路

水石清華畫本添

黃海道

蘇定方碑舊有名南扶餘國是忠清凭欄西望恩如海

合有高樓號慶迎

忠清道

馬韓舊國是全羅古穴猶傳良乙那試向漢拏山下訪

青衣處女子孫多

全羅道



東南慶尚古鷄林  
閼智傳留概姓金  
莫問鰲山石亭事

落花如水尚哀音

慶尚道

江源東鎮府江陵  
滅貊遺風幾廢興  
萬二千峯峯勢好

流泉飛下一層層

江源道

咸鏡分防坎艮間  
羣江滙注萬重山  
插天更有摩雲嶺

雄踞岩城鎖玉關

咸鏡道

黃昌八歲創王家  
六部紅粧艷若花  
誰唱嘉俳會蘇曲

至今到處執桑麻

數百年來紀享王遼東藩服早梯航款關未足昭恭謹  
後苑猶顏忠順堂

雄關舊設摩天嶺

鏡在咸

危棧猶聞串岬遷

稱棧為遷

何待人

吹萬波息

笛名

常平已四百餘年

狼毫硃紙寫新詩東國風流想見之當日新城曾記取  
淡雲微雨小姑娘祠

不聞牙笏插朝衫金玉圓環髻畔嵌帶束烏犀懸挂處  
皮囊中貯是頭銜

鏡夾雙瞳美秀文一枝長竹吐烟雲健兒下走都閒雅  
禿袖圓巾白練裙

四面荆籬一草廳席棚低覆子復青李家獨擅專門利  
別號金剛一部經

齊紈魯縞並無雙只有蠶棉敵楚江偶有綾羅工製造  
金針須度自天邦

天字朱提第一流剪如半壁重如球兼金每自沙中揀  
大衍携來北地售

范銅遺製本先朝馬食人人並坐招雨過天晴花縱好  
自來原不重哥窯

瓦縫參差列不齊大都草舍似幽陞羨他仕宦加人處  
屋脊皆調白墜泥

鞞而登席古為徒花線編蒲滿地鋪門矮檻高窓戶小  
炙人煖炕更如爐

盥器痰盂小火盆皮裯蓆枕木香墩欄杆面面匡牀矮  
八扇屏風列短垣

兩截車轆轤復重小驂騮駕步從容獨輪却賴人扶穩  
名器惟他顯宦逢

差備官偕旗鼓官辛勤朝夕叩平安印紅字小佳肴註  
日日堂前遞食單

肉蔬酒果襍然陳首戴圓幘肅大賓笑我庖人調劑劣  
伊能大嚼量兼人

聽罷三吹驛館開馬頭奴控馬雙抬沿堤赤壤平如掌  
緩度柔聲呵殿來

帽扇青紗手自舒不勞贈策步徐徐馬奴控馬人扶膝  
皮緯還牽二丈餘

橋梁屋宇壓松欂到處門窓蔽秣糒多少銜枚道旁者  
鞠躬俯首立如齋

鬚眉畢現木雕翁長短亭邊記里工更有龍頭華表柱  
村中住箇孝廉公

筠心冰節盡人諳雅化真能沐二南賓館即今通引衆  
諒知古不重貞男

澆成黃蠟似松膠外直中通紙信包燭淚堆時爭拾取

嚼來還道是佳肴

華亭徐白眉振山輝堂詩集有朝鮮竹枝詞四十首華寓工緻間有今昔不同處忝而觀之可以得其大畧矣

西陵隨扈恭紀

翠華指顧到行營甘雨飄零蹕路清萬騎無譁人整

肅後塵但聽馬蹄聲

近畿大吏扈西巡嘉果時蔬貢品新應識投醪恩澤

廣一齊分賞徧羣臣

珠丘展謁五更寒慘淡天顏午輟餐

禮成後未正始至行宮

扈蹕

臣工齊屈膝道旁跪請 聖躬安

行帳連朝近 御營橐韃策馬賦宵征書生未解從戎

事也領貔貅一隊兵

時權左翼總兵

棲遲文囿共呦呦爭羨渠儂得自由畢竟深山風物好

長林豐草壽千秋

南苑見鹿

石磴層層接碧空林巒齊入一亭中帳房匝地千堆白

燈火連宵萬點紅

行宮四圍各鎮弁兵擲比值宿

隨扈六飛皆國士迎 鑾

三祝有村翁

每日賞養老銀牌

至尊七袞符天健日策雲麟

御馬名



薛綵吟館鈔存

卷四

十七

躡曉風

梁格莊  
恭紀

慎德堂召對恭紀

中使傳呼面問安  
林巒樓閣五雲端  
天宮別有森嚴象  
不敢公然舉目看

借書

日守吟編似蠹魚  
一甌常自借鄰居  
老夫近日風情減  
厭讀佳人才子書

題聊齋圖

流泉演漾柳扶疎千古牢愁隱士居  
想見空山風雨夜一枝椽筆半床書

題採芝圖

集陶

養真衡茅下繞宅生蒿蓬提壺接賓侶負杖肆游從  
神淵寓時雨平疇交遠風小澗清且淺北林榮且豐  
紫芝誰復采見別蕭艾中借問採薪者遙謝荷篠翁  
怡然有餘樂何必升華嵩

花松岑大司成

沙納

補種丁香於國學繪圖徵

詩

三百年來少唱酬  
空教詩句壁間留  
可憐祖幹香風化  
無復孫枝翠纈稠  
此日栽培欣舊地  
一時觴詠繼前修  
敬思堂外春如海  
藤蔓梨花結素儔

當年四載領成均  
樹木無能況樹人  
得地乍看雙玉秀  
探花先補一枝春  
芹宮晝暖留香久  
璧水波添化雨新  
料是公門種桃李  
好音先報老鄉親

聞道

聞道倭奴亂連檣指浙東  
光頭空有挾汪直迄無功已  
解柯梅急難消麻葉雄誰為  
戚元敬轉戰得綏戎

讀富韓公本傳

增幣和親恨有餘司徒名震使遼初  
持身獨守千秋節  
亂意教焚一紙書韓愈撫邊人可惜  
王尊叱馭路何如  
美官樞密無多讓卻欲殷殷賂客車

景運門值班口號

十營大纛走龍蛇  
祈父予王之爪牙  
兩翼八旗推禁旅

千門萬戶拱王家教場各演川兒馬  
蹕路常隨天  
子車黃褶翠翎紅裕護頭銜到處聽爭誇

三間矮屋近丹墀坐鎮堂皇氣不羈  
殿閣巍巍我中一路  
弓刀嚴厲上三旗士如虓虎門常禁人似鰥魚  
夜有司  
幸際太平方便伯脫巾緩帶許吟詩

統領貔貅守帝闈六班職掌此為尊  
獨携虎衛龍驤  
士同護隆宗景運門有許多人常白眼  
無些子事到  
黃昏四門報道錢糧下聽盡籌聲和勒根

策馬趨朝日正東直廬真似火爐烘階前地赤疑千里  
屋後牆紅止半弓旁午盼他三點雨侵辰偶尔一絲風  
笑予解脫如甌噉伏爪拳螯背欲紅

在平懷古

瘦馬輕衫出博州在山平望思悠悠清琴濁酒懷張鎬  
火色鳶肩說馬周人代成功能幾箇江山無語笑千秋  
清風明月適吾適惟有坡翁喜壯遊

穀城山

我未得黃石何緣訪赤松  
穀城山色好雲護幾層峯

留侯祠

楚項空存墓留侯只有祠  
冥鴻已高舉羨爾帝王師

望魚山

東阿縣

松楸寂歷思王墓雲雨荒涼神女祠  
才士仙人渺何許魚山依舊綠參差

東平被水大木盡偃感而賦之

非復參天勢居然辱在塗  
卧枝空傲岸病葉漸支梧  
著

土根原淺禁風力已無何如堤上草一碧尚平鋪

曉過兗州

凌晨過兗郡微雨曉寒多鳧繹今朝路狐貍昔日歌秋

山青着色湖水綠添波欲撫秦碑去其如一炬何

昭陽湖一名微

湖山

謁孟廟望嶧山

岱宗氣象釋迦顏漢柏唐碑霄漢間坐愛東南好風景

淡雲濃墨米家山



柳泉

只此巖牆下能無一宿乎行吟疑木客  
唼食叱狸奴入戶風威冷投階雨點粗  
終宵不成寐龜勉問前途

柳泉雨發

山光黯淡樹林微帶水拖泥路是非  
喜煞一羣沙燕子漫天下上掠蟲飛

褚莊曉行

行傍山旁或岸旁曉風殘月出江鄉  
高凌絕壑松千樹

右帶平疇水滿塘初日挂鉦烟淡白遠林排薺葦凝蒼  
捲簾我欲摹撞浩消受清涼正未妨

符離道中

日暮灘水生一堤界如帶山農叱犢歌聲在疎林外

王莊泛舟

五堡斜陽水驛遙亂帆高下漲三篙不知今夜孤篷月  
盪到淮流第幾橋

十幅蒲懸月半空揚舠擊汰順流東板窓卧聽波聲急

知是舟人正帆風

楊慎詩話張說詩云憂  
雲隨北帆同日過江來

紅心驛

又是衝泥此地過紅心  
風雨果情多一簑一笠一  
支筇  
輪爾騎牛且放歌

珠龍鎮雨行

東風吹不斷達旦雨潛潛  
泥擁一條路溪流九折灣  
稻黃鋪遠浦雲黑壓雄關  
西碕潮聲急何人夢正閒

東葛小店

路轉高堤上千畦俯大田亂峯橫鎖霧萬井遠含烟夜  
雨采菱水秋風刈稻天名藍金碧景粉本借龍眠

偶吟

依舊春明太瘦生十年重到秣陵城雪泥踪跡憐鴻爪  
賓主東南感客情幾點金焦江上夢一帆烟雨畫中行  
前塵未盡登臨興擬聽歸舟欸乃聲

盍山園感懷陶文毅公澍

印心片玉楚江濱士行風規苦憶君一代勲名高令僕

三江政績會風雲論文曾此消良夜酹酒何人弔夕曛  
他日峴山碑碣在倚欄南望淚紛紛

登飛霞閣放歌

冶城之觀孰第一

閩有秦大士題  
冶城第一觀額

飛霞閣起朝天宮樹繞萬

家到鞵下雲攬遠岫來窻中憶余自出春明門背山而  
南何忽忽燕南趙北莽平埜吳頭楚尾無華嵩龜蒙鳬  
繹不足數泰岱乃在東山東筍輿閑置若新婦此語雖  
戲情則通峭帆一霎渡江左氣象頓爾開鴻濛江東門

外柳枝少輕烟淡粉皆成空到此振衣凌百尺蚌窻四  
敞來天風幾株木樨遠香噴數竿新竹斜陽紅栖霞鍾  
阜可指點清淮水榭依稀中八代興衰早已矣

謂吳晉宋  
齊南唐及

宏光南  
渡也

龍蟠虎踞依然雄江山勝槩拓萬古豁然醒我雙

方瞳不知此身在震旦遺世獨立登仙同昂頭一笑望  
牛斗檐前新月方如弓

### 闌中夜雨

卧聞窻外雨到曉劇廉纖涼信方侵幔繁聲直挂檐重

衾寒尚戀永夜夢初甜為問登龍客誰符燒尾占

昨日始定草榜

題湯雨生都督

貽汾

琴隱圖

常州人前浙江樂清協年八十尚在

不朝不市有林有山茆屋數椽苕溪一灣有鶴鳴皋有  
僮掩關有叟在中式燕且閒鳳軫眠膝龍韜解顏彼何  
人斯當求之雅歌投壺之列輕裘緩帶之間

前題未盡更成一絕

鏢院三旬伴夜燈披圖如拭目曾騰年來亦有枯桐癖  
便擬携囊問廣陵

瞻園

今藩署

故國名園何處尋  
大功坊畔偶登臨  
一亭高瞰鷄鳴寺  
數石竒爭獅子林  
只有楹聯鐫壁碣  
空聞戰績樹江浔  
英雄千古同憑弔  
十廟蒼蒼松柏陰

秦淮水閣

曲中打槳漫招邀  
楊頓風流沙嫩簫  
聽慣吳娘歌水調  
夜深樓外雨瀟瀟

朱欄對面敞疏櫺  
一水中流盪畫舲  
明月滿窓聲四起



唐詩以食金不  
驚簧鳳管隔河聽

金陵別黃通副贊湯舟中却寄

共揖三秋袂又分  
紅燈夕餞各含醺  
一生肝胆黃公覆  
五字風流杜司勳  
堂上靈護懷寸草  
階前玉棣悵停雲  
月當頭處朝天日  
早謁東華却羨君

登燕子磯

振衣絕頂瞰江潯  
吳楚青蒼天塹深  
却下危岩尋醉石

東入江處有太白書  
吞江醉石四大字

栖鴉驚起入寒林

登焦山

山東北有二島  
對峙謂之海門

萬頃洪濤裏一峯蒼翠間壯遊今不負真箇到焦山  
祇拜椒山主難尋瘞鶴銘海門東去急暮色已冥冥

潤州

今鎮江府孫權因乘峴山築  
城其西北六里即揚子江

三山鼎峙大江濱

金焦北固

鐵甕城西扼要津雲水東來淘萬

古江山北顧閱千春

梁武帝幸京口北  
固樓改為北顧

徒令飲酒思京口無

復前鋒領晉臣太息倭奴西犯日烽烟愁殺峭帆人

謂倭夷

京口晚發

帆挂順流中  
幾舸泛宅同  
蚌窓疑映月  
蝸室不來風  
遠

岸鱗雲黑前堤  
緯火紅毘陵何處是  
杳杳浦陽東

西蠡湖在常州

府城一名浦

陽范蠡所鑿

過毘陵

今常州

曉日支頤倚舵樓  
山城風物望中收  
鉤心鬥角居人屋

銜尾連檣估客舟  
陽羨買田懷曩哲

今宜興縣

毘陵講學景前

修

東坡楊時

孟城山遠江聲急  
岸荻蕭蕭正九秋

孟城山在武進北八十里俯瞰大江

晉參軍孟

嘉嘗隱此

遇雨

入無錫境

林村平遠積陰生急點  
敲窓忽有聲客裏欣然如我願

一帆烟雨畫中行

出都時曾有句云幾點金焦江上夢一帆烟雨畫中行

楓橋夜泊

江楓冷落已初冬  
舟艤東塘霜夜濃

東塘在橋東

我是東華趨

漏客寒山來聽五更鐘

姑蘇口號

內城偈仄各衙衙  
屋上高樓樓上蓬  
處處吳孃攔檻立

黃花壓髻玉顏紅

一枝柔艣盪寒流  
曉日初紅渚霧收  
要使中央行自在  
兩邊花舫看梳頭

民居市肆與僧寮  
一街旁通水一條  
記得香山居士語  
紅欄三百九十橋

六門最勝是閭門  
金碧樓臺戲劇園  
花草綺羅終古在  
吳宮何處不銷魂

座鐘奩鏡繡帘鮮  
柔櫓聲中盪畫船  
兩箇秋娘坐相笑

舵樓翹足吸香烟

江山名勝說姑蘇  
文物聲明絕世無  
我本東南採風使  
網珊斧桂出菰蘆

虎邱

生公談法處  
高下石多奇

千人石極大

祠冷五人墓

墓即毛一鷺建忠賢普惠祠故

址水荒千劍池  
英風震朝右  
霸業歇江湄  
指點山塘路

即白公堤

淒涼不可思

閶門登舟

破楚門西撥畫橈寒山古寺接楓橋五湖渺渺吳宮冷

迴首陽山上碧霄

陽山在長洲北三十里一名四飛

### 望亭阻風

曉來分外石尤寒舟滯如行十八灘水畏逆風陸防雨  
怪他行路歎艱難

### 夜過慧山

在無錫縣一名九龍

苦茗毆魔夜不眠舟人宵語五更天九龍咫尺不相識  
辜負名山第二泉

丹陽縣

有練湖周四十里  
蓄水濟運在縣西

六朝重鎮說雲陽

古謂曲阿或曰雲陽梁為  
蘭陵天寶初改曰丹陽

醉客猶傳琥珀光

我過蘭陵不解飲此身知尚滯他鄉

偶吟

客路東西楚

彭城為西楚  
蘇州為東楚

舟行上下江鄉園數千里獨坐

木蘭艖

京口渡江

鴻流鎖京口巨壑限江南曉景江天閣高風海嶽庵山



唐荅以食金不  
川留勝槩人代付清談風利過揚子舟中夢尚酣

金山寺僧真心送泉水

薜鈿風爐手自煎晴窓細乳月華團憶從陽羨携瑤草  
初試人間第一泉

渡江

換舵開頭一葦航葭蕕傍岸劇蒼蒼迷漫雲帶遙山黑  
漱灩波搖曉日黃野鴨橫江排一線賓鴻作陣唳千行  
試登浮玉山頭望複磴層谿是蜀岡

甓社湖

一名珠湖  
在高郵州

行盡維揚數十程  
瓜皮小艇去縱橫  
等閒回首東南望  
一片湖光雙眼明

村外樹纔紅  
堤邊草猶綠  
驚心秋復冬  
三十六湖曲

七禽言

催耕布穀哀  
此茆屋一封早  
得達明光九重方  
眷東南方

鳳凰不如我  
三月巢江左  
錦城雖樂早還家  
堂前兒女

顏如花

行不得也哥哥天寒日暮將奈何曰歸曰歸歲未暮鵬  
圖自有扶搖路

不如歸去長風可御主人下馬客在船辭家見月三四  
圓

提壺盧提壺盧有酒醕我無酒酤畫鷁連朝滯水國惟  
見珠湖天一色

喚起喚起招招舟子蓬窓終日數郵程何時得抵淮陰

城

催歸催歸吳榜如飛水驛山程道云遠屈指初冬到非  
晚

過寶應縣

失喜今朝遇順風逆流巨艦片帆通天公應是憐羈客  
送過珠湖一夜中

舟行數日殊愧素餐口號自嘲

饘粥恒於斯吳舟大如屋雖瘦尚不俗朝朝笋炖肉

羊流店

豈有鵠人事羣高叔子名威聲震吳楚遺宅沒榛荆北

郭羊流店

程庭倬驂隨筆泰安州新泰縣花園鎮西北六十里地名羊流店土人云叔子故里

南山僕射城

陸

山東通志羊祜城在泰安東南九十里即祜所居

正如登峴首沾洒不勝情

新泰道中

今朝逢大雪

十九日交節

霜氣重如何新泰高低路徂徠遠近

坡濃雲封岱岳淺水凝汶河無限勾留意應忘跋涉多

望徂徠山

梁甫寗蒙未足班數峯陰秀入雲間往來應有六君子

太白巢父  
竹林六逸

縹緲如對三神山長松脩竹古千尺敗柳殘荷

今一灣欲把釣竿乘鹿躡掉頭東共海鷗間

石守道故里

石介隱耕徂徠山今  
上王村尚多石姓

徂徠尤以先生著大筆惟傳慶歷詩底事歐陽歌欲哭

辨香深夜一燈時

歐陽公有讀徂  
徠先生集詩

當年韓范柄元功投老山阿卅載中六一文章曼卿筆

三豪却數杜師雄

趙北口

狂風捲地送深宵  
百四郵程望去遙  
趙北燕南行已慣  
六番過十二連橋

見西山

眼前突兀現巒岡  
霜葉林空野趣涼  
幾處村烟留野燒  
一枝塢影卧斜陽  
已經湖路仍山路  
却望良鄉是故鄉  
無數遠山迎我笑  
量才慮謫爾何忙

行路難十四韻

風塵鞅掌怯征鞍  
繫古原歌行路難  
不管南交同北塞  
每咨暑雨與祁寒  
春風秋月多佳日  
勝水名山偶大觀  
夫馬濫稱天子使  
酒筵叨擾地方官  
畫來照壁簾單片  
紮得轅門竹兩竿  
一响驚人三節鉤  
數聲吹手萬年歡  
肩輿出郭送迎遠  
手版投門早晚安  
紅綠泥窻增富麗  
璫瑜布地詡煊爛  
燕窩蓮實充茶點  
鴨臠蓴羹入食單  
索肆魚兒糟到地  
出湯翅子怒冲冠  
飯盛錫罐多生冷  
蔬列花甌襍苦酸  
莫怪何公艱下箸  
只供奴子亂加餐



君和曰食金不  
粧聾推啞聽差懶濫用浮銷管賬寬畢竟虧他東道主  
累人到處愧猪肝